




Boletín Oficial

DEL

Obispado de Osma



Año LVIII.

10 DE JULIO DE 1917.

Núm. 13.

SUMARIO: Bendición Apostólica.—Secretaría de Camara y Gobierno: Circulares acerca del Día del Papa y sobre la indulgencia de la Porciúncula.—Encíclica de Su Santidad acerca de la predicación de la divina palabra.—Homenaje Nacional al Sagrado Corazón de Jesús.

Bendición Apostólica.

Al terminarse los ejercicios espirituales del Clero, elevó nuestro Ilmo. y Rvdmo. Sr. Obispo a Su Santidad Benedicto XV un telegrama en que expresaba el amor y adhesión de los Sacerdotes de la diócesis al Vicario de Jesucristo, y en contestación ha recibido con íntima alegría el despacho siguiente:

Roma.--Sr. Obispo de Osma.-Burgo de Osma (España)
El Padre Santo acogiendo con benevolencia los homenajes de obediencia y devoción del Clero de la Diócesis de Osma reunido con Usia Ilustrisima con ocasión de los ejercicios espirituales, anhela que estos produzcan frutos preciosos de santificación y de corazón envía la Bendición Apostólica.

Secretaría de Cámara y Gobierno

EL DIA DEL PAPA

Nuestro Ilmo. y Rvdmo. Sr. Obispo desea que no se interrumpa este año la práctica establecida en su Pontificado y tan elogiada por nuestro Santísimo Padre Benedicto XV en su carta autógrafa del 10 de marzo último acerca del Dinero de San Pedro, y nuevamente encarga a todos los Sres. Curas Párrocos Ecónomos, Regentes y Coadjutores Regentes que hagan una colecta en sus iglesias el próximo día de Santiago, y a todos los Sres. Sacerdotes que perciben dotación por sus cargos les ruega con el mayor encarecimiento que le ofrezcan a Su Santidad el «día de haber» en su fiesta onomástica. El Rvdmo. Prelado espera que todos se dignarán hacerlo así, en las mismas condiciones de los años anteriores.

El producto de las Colectas deberá entregarse en la Secretaría de Cámara.

Burgo de Osma, 7 de julio de 1917.

Lic. José A. Castro Valcarce,
Canónigo, Secretario.

INDULGENCIA DE LA PORCIÚNCULA

Nuestro Ilmo. y Rvdmo. Sr. Obispo recomienda con todo empeño a los Sres. Curas, Ecónomos y demás encargados de parroquias que exhorten a los fieles a ganar el Jubileo de la Porciúncula en las iglesias de la diócesis señaladas en la circular de 20 de julio de 1911, explicándoles el origen e importancia de esta indulgencia y las condiciones necesarias para ganarla.

Burgo de Osma, 7 de julio de 1917.

Lic. José A. Castro Valcarce,
Canónigo, Secretario.

SANCTISSIMI DOMINI NOSTRI

BENEDICTI

DIVINA PROVIDENTIA

PAPAE XV

LITTERAE ENCYCLICAE

DE PRAEDICATIONE DIVINI VERBI

AD PATRIARCHAS, PRIMATES, ARCHIEPISCOPOS ET EPISCOPOS ALIOSQUE
LOCORVM ORDINARIOS PACEM ET COMMVNICNEM CUM APOSTOLICA
SEDE HABENTES

BENEDICTUS PP. XV

VENERABILES FRATRES

SALUTEM ET APOSTOLICAM BENEDICTIONEM.

Humani generis Redemptionem Iesus Christus in ara Crucis moriendo cum consummasset, velletque adducere homines ut, suis praeceptis obtemperando, compotes fierent aeternae vitae, non alia usus est via quam suorum voce praeconum qui, quae ad salutem credenda faciendaque essent, hominum universitati denuntiarent. *Placuit Deo per stultitiam praedicationis salvos facere credentes* (1). Elegit igitur Apostolos, quibus cum per Spiritum Sanctum dona infundisset tanto muneri consentanea, *Euntes, inquit, in mundum universum praedicate Evangelium* (2). Quae quidem praedictio faciem orbis terrae renovavit. Nam, si Fides christiana mentes hominum a multiplice errore ad veritatem, animosque a sordibus vitiorum ad omnium virtutum excellentiam convertit, profecto ipsius praedicationis ope convertit: *Fides ex auditu, auditus autem per verbum Christi* (3). Quapropter, quoniam, Dei nutu, iisdem causis quibus procreatae sunt, res conservantur, patet praedicationem christianae sapientiae ad continuandum

(1) *Cor.* 1, 21.

(2) *Marc.* 16, 15

(3) *Rom.* 10, 17.

aeternae salutis opus divinitus adhiberi; et eam in maximis gravissimisque rebus iure numerari: in quam propterea curae cogitationesque a Nobis praecipuae conferendae sunt, maxime si aliqua ex parte, a nativa integritate, cum suae efficacitatis detrimento, deficere videatur.

Id enimvero est, Venerabiles Fratres, quod ad ceteras miseras horum temporum quibus Nos ante alios sollicitamur. accedit. Etenim, si circumspiciamus quam multi sint qui verbo Dei praedicando dant operam, tanta occurret copia, quanta fortasse numquam fuit antea. Si autem consideremus, quo loco sint publice ac privatim mores atque instituta populorum, crescit in dies vulgo rerum quae supra naturam sunt, despicientia et oblivio; sensim a christiana virtutis severitate disceditur, maioresque ad probrosam ethnicorum vitam quotidie regressus fiunt.

Horum quidem malorum variae sunt multiplicesque causae: nemo tamen negaverit deplorandum esse quod eis malis a ministris verbi non satis afferatur medicinae. Numquid sermo Dei talis esse desiit, qualis ab Apostolo dicebatur, vivus et efficax et penetrabilior omni gladio ancipiti? Num gladii huius aciem usus diurnitas hebetavit? Vitio certe tribuendum est ministrorum qui non tractant, quemadmodum oportet, hunc gladium, si is non omnibus locis vim suam exerceat. Neque enim dici potest melioribus, quam nos, temporibus Apostolos usos esse, quasi tum aut plus esset docilitatis ad Evangelium aut minus contra divinam legem contumaciae.

Omnino igitur quod Nos apostolici officii conscientia admonet duorumque proximorum Decessorum exemplum hortatur, huc summo studio pro rei gravitate, incumbendum Nobis esse intelligimus, ut praedicationem divini verbi ad eam normam ad quam Christi Domini iussu Ecclesiaeque statutis dirigenda est, ubique revocemus.

Principio, Venerabiles Fratres, quaeramus oportet, quas ob causas in hoc genere de via declinetur. Iam istae causae ad tres redire videntur: aut is ad praedicandum assumitur qui non debet; aut in munere non eo exercetur consilio quo debet; aut non eo modo quo oportet.

Etenim praedicationis munus, ex Tridentinae Synodi doctrina, *Episcoporum praecipuum est* (4). Apostoli quidem, quorum in locum successere Episcopi, hoc maxime suarum partium esse duxerunt. Ita Paulus: *Non enim misit me Christum baptizare, sed evangelizare* (5). Caeterorum autem Apostolorum ea fuit sententia: *Non est aequum nos derelinquere verbum Dei, et ministrari mensis* (6). Etsi autem proprium id est Episcoporum, tamen, quoniam variis distenti curis in suarum gubernatione ecclesiarum, nec semper nec usque quaque ipsi per se possunt, necesse est etiam per alios huic officio satisfaciant. Quare in hoc munere quicumque praeter Episcopos versantur, dubitandum non est quin, episcopali fungentes officio, versentur. Haec igitur prima lex sanciat, ut munus praedicationis sua sponte suscipere liceat nemini; sed ad illud exsequendum cuius opus sit missione legitima, quae, nisi ab Episcopo, dari non potest: *Quomodo praedicabunt, nisi mittantur?* (7). Missi sunt enim Apostoli et ab Eo missi qui summus est Pastor et episcopus animarum nostrarum (8); missi septuaginta duo illi discipuli; ipseque Paulus, quamvis constitutus iam a Christo vas electionis ut nomen eius coram gentibus et regibus portaret (9), tum demum iniit apostolatam quum seniores, Spiritus Sancti mandato *Segregate mihi*

(4) Sess. XXIV, *De Ref.*, c. IV.

(5) *Cor.* 1. 17.

(6) *Act.* 6, 2

(7) *Rom.* 10, 15

(8) 1 *Petr.* 2, 25.

(9) *Act.* 9, 15.

Saulum in opus (Evangelii) (10), obtemperantes, eum cum impositione manuum dimisissent. Id quod primis Ecclesiae temporibus perpetuo usitatum est. Omnes enim, vel qui in sacerdotum ordine eminebant, ut Origenes, et qui postea ad episcopatum eveci sunt, ut Cyrillus Hierosolymitanus, ut Ioannes Chrysostomus, ut Augustinus, ceterique Doctores Ecclesiae veteres, sese ex sui quisque Episcopi auctoritate ad praedicandum contulerunt.

Nunc vero, Venerabiles Fratres, longe aliud venisse in consuetudinem videtur. E sacris oratoribus non ita pauci sunt in quos apte cadere illud dixeris quod quaeritur Dominus apud Ieremiam: *Non mittebam prophetas, et ipsi currebant* (11). Nam cuicumque vel ex ingenii indole vel aliis quibusvis de causis *ministerium verbi* suscipere libuerit, facile ei patet aditum ad suggesta templorum, tamquam ad palaestram in qua quisvis suo arbitratu sese exerceat. Itaque ut iam de medio tollatur tanta perversitas, vestrum est, Venerabiles Fratres, providere; et quoniam de pabulo vestris gregibus praebito reddenda Deo Ecclesiaeque a vobis ratio est, ne sinite ut quis, iniussu vestro, in ovile se inferat, et ovis Christi ad suum arbitrium pascat. Nemo igitur in dioecesibus vestris, nisi vocatus probatusque a vobis, iam nunc sacras conciones habeat.

Hic vero summa cum vigilantia attendatis volumus quibus munus tam sanctum demandetis. Qua in re Episcopis hoc tantum, Concilii Tridentini decreto, permittitur ut *idoneos* eligant, id est qui possint *officium praedicationis salubriter exsequi*. *Salubriter*, dictum est —notate verbum quo rei continetur norma—non *eloquenter*, non *cum plausu audientium*, verum cum animarum fructu, ad quem, tamquam finem, divini verbi administratio pertinet:—Quod si pressius definiri a No-

(10) Act. 13, 2.

(11) Ierem. 23, 21

bis cupitis quos reapse habeatis idoneos, eos dicimus in quibus divinae vocationis argumenta reperietis. Nam quod requiritur ut quis ad sacerdotium admittatur: *Nec quisquam sumit sibi honorem, sed qui vocatur a Deo* (12), idem opus est ut quis ad praedicandum habilis aptusque iudicetur. Quae quidem vocatio haud difficile deprehenditur. Christus enim, Dominus et Magister Noster, cum in eo esset ut in caelum adscenderet, nequaquam dixit Apostolis ut illico, diversi abeuntes, praedicare inciperent: *Sedete, inquit, in civitate, quoadusque induamini virtute ex alto* (13). Hoc igitur erit indicio quempiam divinitus ad id muneris vocari, si is virtute ex alto sit *indutus*. *Quod cuiusmodi sit, licet ex iis colligere, Venerabiles Fratres, quae in Apostolis, statim ut virtutem desuper acceperint, scimus evenisse. Ubi enim in eos Spiritus Sanctus descendit—ne mirifica, quibus aucti sunt, charismata attingamus—ex rudibus infirmisque hominibus docti perfectique evaserunt. Sit igitur sacerdos quispiam congruenti tum scientia tum virtute praeditus—modo ei dona naturae suppetant quae necessaria sunt ne tentetur Deus—recte ad praedicationem vocatus videbitur, neque erit cur ab episcopo ad hoc munus non possit assumi. Quod ipsum vult Tridentina Synodus, cum edicit ne quos Episcopus praedicare sinat qui non sint moribus et doctrina probati* (14). Itaque Episcopi est eos, quibus praedicandi munus deferre cogitat, diu multumque experiri ut quae quantaque sit eorum et doctrinae copia et vitae sanctimonia cognoscat. Qui si remisse negligenterque se gesserit, is profecto in re gravissima deliquerit, et in eius caput culpa recidet vel errorum quos imperitus praedicator fuderit. vel offensionis malique exempli quod improbus dederit.

Quo autem faciliores in hoc vestras, Venerabiles

(12) *Hebr.* 5, 4.

(13) *Luc.* 24, 49.

(14) *Loc. cit.*

Fratres, reddamus partes, volumus ut qui praedicandi potestatem petant, non secus ac qui confessiones peccatorum excipiendi, de eorum moribus et eruditione post hac duplex severumque fiat iudicium. Quisquis igitur in alterutro mancus et claudicans repertus sit nullo, rei cuiusquam respectu, repellatur ab eiusmodi munere cui non esse eum idoneum constiterit. Postulat id vestra ipsorum dignitas, quorum vices a praedicatoribus geruntur, ut diximus: flagitat Ecclesiae sanctae utilitas, quandoquidem *sal terrae et lux mundi* esse (15), si quis alius, is debet qui in verbi ministerio versatur.

His probe consideratis rebus, ultra progredi ad explicandum quem sacrae praedicationis et finem et modum esse oporteat, supervacaneum potest videri. Nam si ad eam, quam memoravimus, regulam sacrorum oratorum delectus exigatur, quid est dubii quin, congruis ornati virtutibus, dignam in praedicando et causam sibi proponant et rationem teneant? Sed tamen prodest haec duo illustrare capita, ut eo melius appareat, quare interdum boni praedicatoris forma in nonnullis desidetur.

Quid praedicatoribus debeat in suscepto munere exsequendo esse propositum, licet intelligere ex eo quod ii possunt ac debent de se idem, quod Paulus, affirmare: *Pro Christo legatione fungimur* (16). Si autem legati sunt Christi, illud ipsum velle debent in legatione peragenda, quod Christus voluit in danda; immo quod ipse, dum vixit in terris, sibi proposuit. Neque enim Apostoli, et praedicatores post Apostolos, alio missi sunt atque Christus: *Sicut misit me Pater, et ego mitto vos* (17). Scimus autem cuius rei gratia Christus de caelo descenderit: aperte enim declaravit: *Ego ad*

(15) Matth. 5, 14, 14.

(16) 2 Cor. 5, 20.

(17) Ioan, 20, 21.

hoc veni in mundum, ut testimonium perhibeam veritatis (18)
Ego veni, ut vitam habeant (19).

Utrumque igitur persequantur oportet qui sacrae praedicationi dant operam, id est, ut traditae a Deo veritatis diffundant lumen et ut in iis qui audiunt, supernaturalem excitent alantque vitam; brevi, ut animarum quarendo salutem Dei promoveant gloriam. Quare, sicut perperam appelletur medicus, qui medicinam non faciat, vel alicuius artis doctor qui eam non doceat artem, sic qui praedicando non curat ad pleniorum Dei cognitionem et ad aeternae salutis viam homines adducere, eum declamatorem vaniloquum appellari licet, praedicatorem evangelicum non licet. Atque utinam huiusmodi declamatores nulli sint!— Quid vero est quo ducuntur maxime? Alii quidem inanis gloriae cupiditate: cui scilicet ut satisfaciant: «Student magis alta quam apta dicere, facientes apud infirmas intelligentias miraculum sui, non ipsorum salutem operantes. Erubescunt humilia et plana dicere, ne sola haec scisse videantur... Erubescunt lactare parvulos» (20). Cumque Iesus Dominus ex humilitate auditorum ostenderet se eum esse qui exspectabatur: *Pauperes evangelizantur* (21), quid non moliuntur isti, ut ex urbium celebritate atque ex primariorum dignitate templorum commendationem suis sermonibus acquirant? Quoniam autem in rebus a Deo revelatis quaedam sunt quibus corruptae humanae naturae perterreatur infirmitas, quaeque ob eam causam accommodatae non sunt ad evocandam multitudinem, ab iis caute se abstinere eaque tractant in quibus, si loci rationem excipias, nihil est sacrum. Ac non raro contingit ut in media pertractatione rerum aeternarum abantur ad politica, praesertim si quid eius generis

(18) Ibid, 18, 37.

(19) Ibid. 10, 10.

(20) Gillebertus Ab. in *Cant. Canticor.* serm. VII, 2.

(21) Matth. 11, 5.

animos audientium vehementer teneat occupatos. Omnino unum hoc iis esse studium videtur, placere audientibus eisque morem gerere quos Paulus *pruientes auribus* (22) dicit. Hinc ille gestus non sedatus et gravis, sed qualis in scaena aut in concione populari solet agi; hinc illae vocis vel remisiones molliores, vel contentiones tragicae; hinc illud orationis genus proprium ephemeridum; hinc sententiarum illa copia ab impiorum et acatholicorum petita scriptis, non a divinis Litteris, non a Sanctis Patribus; hinc denique illa est, quae ab eorum plerisque usurpatur volubilitas tanta verborum, qua obtundant quidem aures et admirationem moveant audientibus, sed, nihil his boni afferant quod domum reportent. Iam vero mirum quantum praedicatores isti opinione falluntur. Habeant licet quem tanto cum labore nec sine sacrilegio petunt plausum imperitorum: num pretium est operae, quando simul subeunda eis est prudentium omnium vituperatio, et, quod est maius, formidandum Christi severissimum iudicium?

Quamquam, Venerabiles Fratres, unice plausus quaerere praedicando non omnium est qui a regula normaue aberrant. Plerumque huiusmodi significationes qui captant, ideo captant ut eas ad aliud assequendum dirigant vel minus honestum. Nam, oblivioni dantes illud Gregorii: «Non praedicat sacerdos ut comedat, sed ideo ut praedicet, manducare debet» (23) haud ita rari sunt qui, cum ad alia munera, quibus decenter alerentur, non se factos esse intelligerent, ad praedicationem se contulerunt, non ministerii sanctissimi rite exercendi, verum quaestus faciendi causa. Videmus igitur curas omnes istorum minime conversas esse ad quaerendum ubi maior sperari possit fructus animarum, sed ubi plus conficiatur praedicando lucri

(22) 2. *Tim.* o, 3.

(23) In I Regum, lib. III.

Iam vero, cum ab his nihil exspectare liceat Ecclesiae, nisi damnum et dedecus, summopere vobis, Venerabiles Fratres, est vigilandum, ut, si quem inveneritis praedicatione ad suam gloriam vel ad quaestum abuti, eum sine cunctatione amoveatis ab officio praedicandi. Nam qui rem tam sanctam polluere non veretur tanta perversitate propositi, non sane dubitabit ad omnes indignitates descendere, ignominiae labem aspergens non sibi tantum, sed ipse tam sacro muneri, quod tam prave administrat.

Eadem autem erit adhibenda severitas in eos qui quo decet modo non praedicent, propterea quod ea neglexerint quae ad recte hoc ministerium obeundum necessario requiruntur. Haec vero quae sint, docet exemplo suo is qui ab Ecclesia cognominatus est *Praedicator veritatis*, Paulus Apostolus: cuius similes praedicatores utinam, Dei miserentis beneficio, multo plures habeamus.

Primum igitur quod discimus a Paulo hoc est, quam bene paratus et instructus ad praedicandum venerit. Neque vero hic loquimur de doctrinae studiis in quibus, Gamaliele magistro, diligenter versatus erat. Scientia enim in eo *per revelationem* infusa, obscurabat ac paene obruebat eam quam ipse sibi comparaverat: quamquam hanc quoque non parum ei profuisse ex eius Epistolis apparet. Prorsus necessaria est praedicatori scientia, ut diximus, cuius quidem luce qui caret, facile labitur, ex Concilii Lateranensis IV verissima sententia. «Ignorantia est mater cunctorum errorum». Non tamen de qualibet rerum scientia volumus intelligi, sed de ea scilicet quae propria est sacerdotis, quaeque; ut in pauca conferamus rem, cognitione sui, Dei et officiorum continetur: sui inquam, ut suas quisque utilitates omittat; Dei, ut omnes ad eum et cognoscendum et diligendum adducat; officiorum, ut ea servet et servari praecipiat. Caeterarum rerum scientia, ista si desit, *inflat* nec quicquam prodest.

Illud potius videamus, qualis in Apostolo praeparatio fuerit animi. Qua quidem in re tria sunt maximi consideranda. Primum ut se totum Paulus divinae voluntati dediderit. Vix dum enim, cum iter faceret Damascum, Iesu Domini virtute tactus est, edidit illam Apostolo dignam vocem: *Domine, quid me vis tacere?* (24). Nam promiscua illi statim coeperunt esse pro Christo, sicut perpetuo fuerunt postea, laborare et quiescere, egere et abundare, laudari et contemni, vivere et mori. Non est dubium quin ideo in apostolatu tantum profecerit, quod se Dei voluntati pleno cum obsequio permisit. Quare similiter ante omnia obsequatur Deo quisquis praedicator ad salutem animarum nititur; ut nihil quidquam sit sollicitus quos auditores, quem successum, quos fructus habiturus sit: denique ut Deum dumtaxat, non se respiciat.

Hoc autem tantum Deo obsequendi studium animum postulat adeo comparatum ad patiendum, ut nullum fugiat laboris molestiaeque genus. Quod alterum in Paulo fuit insigne. Nam, cum de eo dixisset Dominus: *Ego ostendam illi, quanta oporteat eum pro nomine meo pati* (25), ipse deinde aerumnas omnes tanta cum voluntate complexus est ut scriberet: *Superabundo gaudio in omni tribulatione nostra* (26). Iam vero haec laboris tolerantia in praedicatore si emineat, cum quicquid humani in eo sit, abstergeat, ac Dei gratiam ei ad fructum ferendum conciliet, tum incredibile est quantum eius operam christiano populo commendet. Contra, parum ad permovendos animos ii possunt, qui quocumque venerint, ibi commoditates vitae plus aequo consecretantur, ac dum suas conciones habeant, nihil aliud fere attingunt ministerii sacri, ut appareat plus eos propriae servire valetudini, quam animarum utilitati.

(24) *Act.* 9, 6.

(25) *Ibid.* 9, 16.

(26) *3 Cor.* 7. 4.

Tertio denique loco *spiritum orationis* qui dicitur, necessarium praedicatori esse intelligimus ex Apostolo; qui ut primum vocatus est ad apostolatam, Deo supplex esse instituit: *Ecce enim orat* (27), Etenim non copiose dicendo nec subtiliter disserendo aut vehementer perorando salus quaeritur animarum: qui hic consistat praedicator nihil est nisi *aes sonans aut cymbalum tinniens* (28). Id quo fit ut vigeant humana verba mirificeque valeant ad salutem, divina est gratia: *Deus incrementum dedit* (29). Dei autem gratia non studio et arte comparatur, sed precibus impetratur. Quare qui parum aut nihil orationi est deditus, frustra in praedicatione operam curamque consumit, cum coram Deo nec sibi nec audientibus quicquam proficiat.

Itaque, paucis concludentes quae hactenus diximus, his Petri Damiani verbis utamur: «Praedicatori duo sunt permaxime necessaria, videlicet ut sententias doctrinae spiritualis exuberet, et religiosae vitae splendore coruscet. Quod si sacerdos quispiam ad utrumque non sufficit, ut et vita clarus et doctrinae facultate sit profluus, melior est vita procul dubio quam doctrina... Plus valet vitae claritas ad exemplum, quam eloquentia vel urbanitas accurata sermonum... Necesse est ut sacerdos, qui praedicationis officio fungitur, et doctrinae spiritualis imbribus pluatur, et religiosae vitae radiis splendeat: instar illius Angeli, qui natum Dominum pastoribus nuntians, et splendore claritatis emicuit, et quod evangelizare venerat, verbis expressit» (30).

Sed, ut ad Paulum redeamus, si quaerimus quibus de rebus consuevisset praedicando agere, ipse sic omnia complectitur: *Non enim indicavi me scire aliquid inter vos, nisi Iesum Christum, et hunc crucifi-*

(27) *Act.* 9, 11.

(28) *1 Cor.* 13, 1.

(29) *Ibid.* 3, 6.

(30) *Epp. lib. I ep. I ad Cinthium Urbis Praef.*

xum (31). Efficere ut Iesum Christum homines magis magisque cognoscerent et quidem cognitione quae ad vivendum, non modo ad credendum, pertineret, hoc est quod omni apostolici pectoris contentione laborabit. Itaque Christi dogmata et praecepta omnia vel severiora sic tradebat ut nihil nec reticeret nec molli- ret, de humilitate, de abnegatione sui, de castitate, de rerum humanarum contemptu, de obedientia, de venia inimicis danda, de similibus. Nec vero timide illa de- nuntiabat: inter Deum et Belial eligendum esse cui serviatur, utrique non posse; omnes, ut e vivis exces- serint, tremendum manere iudicium; cum Deo non licere transigi; aut vitam aeternam sperandam si uni- versae obtemperetur legi, aut, si cupiditatibus indul- gendo, deseratur officium, ignem aeternum esse ex- spectandum. Neque enim *Predicator veritatis* unquam putavit abstinentum ab huiusmodi argumentis prop- terea quia, ob corruptionem temporum, nimis dura viderentur iis, ad quos loquebatur.—Apparet igitur quod non probandi sint ii praedicatores, qui quaedam christianae doctrinae capita, ne fastidio sint audienti- bus, non audem attingere. Num medicus quisquam inutilia remedia dabit aegrotanti, quia is ab utilibus abhorreat? Ceterum inde probabitur oratoris virtus et facultas, si, quae ingrata sunt, ea grata dicendo red- diderit.

Quae autem tractanda susceperat, quo modo Ap- stolus explicabat? *Non in persuasibilibus humanae sa- pientiae verbis* (32). Quanti refert, Venerabiles Fratres, hoc omnibus esse exprobratissimum, cum videmus non paucos e sacris concionatoribus ita dicere ut Scriptu- ras Sanctas, Patres Doctoresque Ecclesiae, theologiae sacrae argumenta praetermittant; nihil fere nisi ratio- nem loquantur. Perperam profecto: neque enim in or-

(31) I Cor. 2, 2.

(32) Ibid. 2, 4.

dine supernaturali humanis tantum adminiculis quidquam proficitur.—At illud opponitur: praedicatori qui quae divinitus revelata sunt, urgeat, non haberi fidem.—Itane vero? Sit sane apud acatholicos: quamquam cum Graeci sapientiam, nimirum huius saeculi, quaerent, Apostolus tamen eis Christum crucifixum praedicabat. (33). Quod si oculos convertamus ad gentes catholicas, in his illi qui alieni sunt a nobis, fere Fidei radicem retinent: mentes enim obcaecantur eo quod animi corrumpuntur.

Postremo qua mente praedicabat Paulus? Non ut hominibus, sed ut Christo placeret: *Si hominibus placerem, Christi servus non essem* (34). Cum animum gereret incensum caritate Christi, nihil quaerebat praeter Christi gloriam. O utinam qui in verbi ministerio elaborant, omnes vere Iesum Christum diligant; utinam possint illa usurpare Pauli; *Propter quem* (Iesum Christum) *omnia detrimentum feci* (35); et *Mihi vivere Christus est* (36). Tantum qui amore ardent, ceteros inflammare sciunt. Quare S. Bernardus ita praedicatorem admonet: «Si sapis, concham te exhibebis et non canalem» (37); hoc est: quod dicis, eo plenus ipse esto, et ne satis habeas in alios transfundere. «Verum, ut idem Doctor addit, canales hodie in Ecclesia multos habemus, conchas vero perpaucas!» (38).

Hoc ne eveniat in posterum, vobis omni ope atque opera enitendum est, Venerabiles Fratres: quorum est et indignos repellendo, et idoneos eligendo, conformando, moderando, efficere ut praedicatores, qui sint secundum Dei cor, iam plurimi existant.—Respiciat autem misericors gregem suum Pastor aeternus,

(33) I Cor. 1, 22, 23.

(34) Gal. 1, 10.

(35) Philip. 3, 8.

(36) Ibid. 1, 21.

(37) *In Cant. serm.* 18.

(38) Ibid.

Iesu sChristus, Virgine Sanctissima quidem, ut Matre augusta ipsius Verbi incarnati et Regina Apostolorum, deprecante; ac spiritum apostolatus in Clero refovens, plurimos esse iubeat qui studeant «seipsos probabiles exhibere Deo, operarios inconfusibiles, recte tractantes verbum veritatis» (39).

Auspicem divinorum munerum ac testem benevolentiae Nostrae vobis, Venerabiles Fratres, vestroque Clero ac populo apostolicam benedictionem peramanter impertimus.

Datum Romae apud S. Petrum die xv Iunii, in festo Sacratissimi Cordis Iesu, anno MDCCCXVII. Pontificatus Nostri tertio.

BENEDICTUS PP. XV.

Homenaje Nacional al Sagrado Corazón de Jesús.

Pesetas

Suma anterior..... 553 14

A 0'20 cada uno de los siguientes: de Pinilla del Campo don Pantaleón Enciso, don Juan Millán, don Domingo Millán Celorrio, doña Valentina Enciso, doña Bernarda Carazo (difunta); don Vicente Millán, don Lucas Millán, doña Josefa Calonge, don Mateo Celorrio y doña Petronila Blasco (difunta); a 0'15: de Pinilla del Campo, don Paulino Marco, don José Enciso; a 0'10: don Juan Pinilla (difunto), doña Teresa López (íd.), doña Sotera Pinilla (íd.), doña Juana Pinilla (íd.), don Lucas Vellosillo (íd.), doña Petra Pinilla (íd.), don Higinio Vellosillo (íd.); de Valtueña, don Hipólito Vellosillo, doña Felipa Izquierdo, don Gayetano Sanz, doña Juana García, don Ceferino García, doña Anselma Ruíz, doña Perfecta Sanz, doña Donaciana Sanz, don Nicolás Sanz, doña Alejandra Lapuerta, don Blas Igea, doña María Lapuerta, don Pío Igea, doña Ricarda Igea, don Ceferino Sanz y doña Gregoria Sanz.

Suma y sigue..... 557 84

(39) 2 Tim. 2, 15.